

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**JU Srednja građevinsko-geodetska škola**  
**Sarajevo**

**P R A V I L N I K**  
**O VIDEONADZORNOM SISTEMU**

Na osnovu odredbi Zakona o odgoju i obrazovanju u osnovnoj i srednjoj školi u Kantonu Sarajevo obrazovanju („Službene novine Kantona Sarajevo, broj:27/24), člana 21. a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11) , člana 172. Pravila JU Srednja građevinsko-geodetska škola Sarajevo, Školski odbor na svojoj 2. redovnoj sjednici održanoj 24.06.2026. godine, donio je

**P R A V I L N I K**  
**O VIDEO NADZORNOM SISTEMU**  
**U JU SREDNJA GRAĐEVINSKO-GEODETSKA ŠKOLA**  
**SARAJEVO**

**I – PREDMET PRAVILNIKA**

**Član 1.**

Pravilnikom o videonadzornom sistemu u JU Srednja građevinsko-geodetska škola Sarajevo (u daljem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama i dvorištu škole i opseg podataka.

**II – ODLUKA O VIDEONADZORNOM SISTEMU**

**Član 2.**

Školski odbor škole donosi odluku o uvođenju videonadzornog sistema u školi.

**Član 3.**

Bliže odredbe o upustvu, svrhi, upotrebi, zaštiti i obradi ličnih podataka i završnim odredbama vezanim za videonadzor definišu se ovim Pravilnikom.

**III – ZAKONSKI OKVIR**

**Član 4.**

*Zakon o zaštiti ličnih podataka Bosne i Hercegovine*, član 21. a predviđa uspostavu videonadzornog sistema.

**IV – SVRHA VIDEONADZORNOG SISTEMA**

**Član 5.**

Svrha uspostavljanja videonadzornog sistema u školi jeste neophodna optimizacija sigurnosti učenika, zaposlenika, roditelja i posjetilaca škole, u toku nastavnog procesa u prostoru škole i školskog dvorišta; sigurnost objekata i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnog godišnjeg odmora); u svrhe predviđene Pravilnikom o kućnom redu sa etičkim kodeksom škole.

**Član 6.**

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

## **V – OPSEG PODATAKA VIDEONADZORA**

### **Član 7.**

Videonadzorni sistem škole obuhvata:

- a) unutrašnje kamere i vanjske kamere,
- b) nadzorne kamere imaju IR noćno snimanje i osjetljive su na pokret,
- c) uređaj za pohranu videozapisa deponuje i arhivira videozapise minimalno 30 dana , nakon čega se isti automatski brišu.

### **Član 8.**

Unutrašnje kamere pokrivaju glavne koordinate, hodnike i komunikacije unutar škole.

### **Član 9.**

Vanjske kamere pokrivaju prostor dvorišta škole, ulaze u školsko dvorište, prostor školskog igrališta i parking škole.

### **Član 10.**

Na ulazu u školu i oko školskog dvorišta postavljaju se vidljivi znaci obavijesti: OBJEKAT POD ZAŠTITOM I VIDEONADZOROM.

Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

## **VI – UPOTREBA PODATAKA**

### **Član 11.**

Uređaj za snimanje i administratorski centar videonadzornog sistema nalazi se u portirnici srednje Škole.

Direktor škole može ovlastiti rukovaoca nastavom tehnikom škole kao i drugog uposlenika da imaju pristup videonadzornom sistemu škole, u svojstvu obrađivača podataka.

### **Član 12.**

1. Kontrolor videonadzornog sistema jeste direktor škole kao odgovorna osoba.
2. Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21. a *Zakona o zaštiti ličnih podataka Bosne i Hercegovine*.
3. Podacima u smislu stava 2) ovoga člana ovlašteno lice, u skladu stava 1) ovoga člana, ima u prostorijama škole ili putem IP veze sa druge lokacije ili mobilnog uređaja.

### **Član 13.**

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

### **Član 14.**

Monitoring u realnom vremenu nad videonadzorom imaju i dnevni čuvari ili druga lica koja ovlasti direktor škole.

## VII – ZAŠTITA LIČNIH PODATAKA

### Član 15.

U skladu sa članom 21.a *Zakona o zaštiti ličnih podataka Bosne i Hercegovine* obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu kojih se može identificirati nosilac podataka predstavljaju zbirku ličnih podataka,
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštovanja prava na zaštitu privatnosti i ličnog života nosica podataka, ako videonadzor nije propisan zakonom,
- b) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru.

Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru Centra.

### Član 16.

Evidencija nad zbirkom ličnih podataka u smislu tehničke izvedbe videonadzornog sistema (arhivski zapisi) definiše se članom 13. *Zakona o zaštiti ličnih podataka Bosne i Hercegovine*.

### Član 17.

Pravilnik podrazumjeva poštovanje člana 30. *Zakona o radu Federacije Bosne i Hercegovine*, koji se odnosi na postupanje sa ličnim podacima radnika.

## VIII – PRELAZNE I ZAVRŠNE ODREDBE

### Član 18.

Ovaj Pravilnik stupa na snagu osmog dana od dana objave na oglasnoj ploči škole.

### Član 19.

Za tumačenje odredbi ovog Pravilnika nadležan je Školski odbor.

### Član 20.

Javnost se upoznaje sa sadržajem ovog Pravilnika putem službene web stranice škole.

Broj: 04 -1243/26

Sarajevo, 24.06.2026.godine

Predsjednica Školskog odbora

Mahmutagic Dženana, dipl.ing.geo.





Broj: 04-1243/26

Dana: 24.06.2026. godine

Na osnovu člana 172. Pravila JU Srednja građevinsko – geodetska škola Sarajevo, Školski odbor škole, na sjednici održanoj dana 24.06.2026.godine, donio je slijedeću:

**O D L U K U**  
**O USVAJANJU PRAVILNIKA O VIDEONADZORNOM SISTEMU**  
**JU Srednja građevinsko – geodetska škola Sarajevo**

1. USVAJA SE PRAVILNIK O VIDEONADZORNOM SISTEMU JU Srednja građevinsko – geodetska škola Sarajevo.
2. Odluka stupa na snagu danom donošenja.

Predsjednica Školskog odbora

Mahmutagić Dženana, dipl.ing.geo.



DOSTAVLJENO:

1x Uz Pravilnik,

1x Oglasna ploča,

1x A/a.